

學生組

冠軍

〈詠懷電車〉

唐詩嫻 香港中文大學

典雅何妨古木雕，還牽詩興賦前朝。
風穿里巷驚時易，軌接天涯知路遙。
薄利不教算遠步，疲身每載客深宵。
多情始有桑田慨，猶憶當年伴海潮。

亞軍

〈登高晚眺〉

楊應龍 香港中文大學

乾坤浩蕩雙眸遠，天地蒼茫一指窮。
不識羅棋為廣廈，誰知漂葉是艤幢。
雲迴霧繞重巒裏，鷺翥鷹翔晚照中。
南國江山多錦綉，便邀詩興逐霄宮。

季軍

〈讀杜詩有感〉

嚴偉 香港中文大學

山東李白安能學，偏重儒冠愛杜公。
絕世唐音開萬古，亂年權位望皆空。
白茅雨夜生前乏，蒼老詩情窮後工。
特立群山江海壯，何堪湘灩一飄蓬。

優異獎*

〈言電盈私有化之事〉

吳曆桓 香港教育學院

藍籌何穩定，甘苦變其中。
應解無常主，誰憐憶大東。
昔時歡意滿，今日淚眸紅。
須記風波惡，辛勞可化空。

〈詠木棉〉

胡艷儀 香港中文大學

羊城昨夜醉春風，千樹飛霞鬥艷虹。
滿目芳菲安俗土，一枝明秀入蒼穹。
從來傲骨腰偏直，況有丹心花更紅。
赤膽何需蕭艾證，精魂頂立自英雄。

〈夜宿山林〉

陳恩娜 香港中文大學

空山夜寂寥，冷雨濕芭蕉。
拂澗清流轉，迎風古木搖。
秋寒侵戶牖，月色匿雲霄。
佛寺鐘聲響，梵音過石橋。

〈書懷〉

葉健威 香港中文大學

寄身涯岸路，信目覽長空。
潮拍青山外，鶯啼碧樹中。
酒澆詩對日，筆落墨臨風。
萬事皆流水，回看夕照紅。

〈秋感〉

羅光輝 鳳溪廖萬石堂中學

流光夜色兩朦朧，落木如霜亂客衷。
瑟瑟寒江新過雁，蕭蕭冷月舊孤桐。
閑愁欲寄青山外，濁酒還斟醉夢中。
莫問人間惆悵事，扁舟一葉任西風。

特別獎*

〈學詩有感〉

陳皓怡 裘錦秋中學(元朗)

欲借芳風上穎宮，翩翩羽翼幾時豐。
陳編每使流螢瘦，骨幹雖成竹管空。
秃筆難堪招世薄，丹心何必怨詞窮。
莫嫌彈墨無人和，有待靈犀一點通。

〈弈棋〉

黃照 英皇書院

對河將帥古今同，多少乾坤弈局中。
伏險誰存君子義，當先豈問爵侯功。
空車霸道如王法，鐵馬乘危入漢宮。
巧計運籌爭一著，由來詭者始稱雄。

* 排名按姓氏筆劃序

公開組

冠軍

〈臨屏夜坐〉 范逸文

電郵紛至每相邀，雁訊何愁萬里遙。
初學臨屏懷舊雨，走來上網趕新潮。
疏狂祇勝吟箋在，雅興翻隨按鍵饒。
唱和如今多博客，留言點擊到深宵。

亞軍

〈詠雨〉 黃以芍

是誰擾夢小園中，纔灑芭蕉又打桐。
檐角傳來原浙瀝，山風吹起乍丁東。
燈前散落千條線，樓外敲殘一徑楓。
水漲秋池人不寐，西窗几坐有詩翁。

季軍

〈曇花〉 文震邦

不同群艷競芳嬌，只在深幽慰寂寥。
雪瓣應憐明月夜，香風疑漫碧雲霄。
偶沾秋露珠痕淺，偷放新苞葉影搖。
幸有須臾成憶記，重逢莫怨歲年遙。

優異獎*

〈政客〉 何譽丙

最怕無風起浪潮，燎原星火借油澆。
意圖大字頭條報，手出旋飛額外蕉。
碩鼠橫行終忌器，寒蟬啞噤任鳴鴉。
春雷一鼓花千放，庭外甘棠細雨搖。

〈除夕感懷〉 邱春木

桑榆暮景值年宵，佳節聊將濁酒澆。
自笑守株思待兔，誰教覆鹿夢尋蕉。
蹉跎歲月籌難展，感慨滄桑體半凋。
寄語華年當奮發，扶搖鵬舉上青霄。

〈沙田望夫石〉 高新民

鴻蒙開闢生情種，一柱擎天望海潮。
日過千帆人不見，夜來孤夢意難消。
雨侵風剝紅顏老，水險濤驚青鳥遙。
默默無言身化石，丹心逐浪路迢迢。

〈學藝抒懷〉 楊煥好

俗態浮塵一目空，管它海嘯抑牛熊。
臨池盡興愁心斂，煉句深思雅趣隆。
畫卷展時天地闊，琴弦撥處古今融。
此情未肯隨枯井，欲泛微瀾濯世風。

〈零八金融海嘯〉 黎桂萍

凜凜秋寒迫暑消，狂牛力盡業蕭條。
夢熊難作豐年兆，積穀方為巧婦招。
風捲花旗鷹折翼，波翻四海鼉掀潮。
乾坤明日冰河後，救世還需禹舜堯。

特別獎*

〈姑嫂塔〉 施教農

聳立孤峰頂，巋然自宋朝。
雲中迷玉樹，霧裏認銀標。
紫燕泥新壘，青龍鼓走潮。
嫂姑傳說久，遺恨入琴簫。

〈旅枕驪山作〉 鍾耀松

睡起三更月半弓，孤吟待旦倚樓東。
帝宸漠漠貌烏走，燭影慳慳鴛帳空。
是處湯泉妃子笑，從來聲色酒兵攻。
飛霞殿外朝曦透，新浴驪山照眼紅。

* 排名按姓氏筆劃序